

四庫全書存目叢書總集部彙編

莊嚴文化事業有限公司

四庫全書存目叢書

四庫全書存目叢書編纂委員會編

莊嚴文化事業有限公司

江苏工业学院图书馆
藏书章

四庫全書存目叢書

史部
第七一冊



四庫全書存目叢書·史部七一

(大陸外版·限中國大陸外發行)

編纂者
出版者

四庫全書存目叢書編纂委員會
莊嚴文化事業有限公司

社址 臺灣臺南縣柳營鄉八翁村九三之十號一樓

門市 臺灣臺南縣永康市復國一路四四三號

電話 八八六一六一六二二五二九五

傳真 八八六一六一六二二四五六

郵撥 三一二八一三六一

出版證號
版本記錄

行政院新聞局局版臺省業字第肆伍號
七八七×一〇九二毫米 十六開本 四九·一二五印張
一九九六年八月初版一刷

國際標準書號

ISBN 957-99433-1-1

印製者
發行人
史部定價

香港泰來亨國際有限公司
黃舒眉
美金貳萬陸佰伍拾圓

ISBN 957-99433-1-1



9 789579 943314



US\$20650

史部第七一冊目次

史部・詔令奏議類

荆川先生右編四十卷(二)

〔明〕唐順之輯 劉曰寧補
吉林省圖書館藏明萬曆三十三年南京國子監刻本

一

皇明疏議輯畧三十七卷(卷二十五至卷二十七配鈔本)(一)

〔明〕張瀚輯

東北師範大學圖書館藏明嘉靖三十年大名府刻本

五一九

荆川先生右編四十卷(二)

〔明〕唐順之輯 劉曰寧補

吉林省圖書館藏明萬曆三十三年南京國

子監刻本

附《四庫全書總目·右編四十

卷》提要

荆川先生右編目錄

卷二十六

夷三

虜言兵事上漢文帝

補 鼂錯

論守邊備塞事上文帝

補 鼂錯

論募民徙塞下上文帝

補 鼂錯

擊匈奴議上武帝

補 韓安國等

論伐匈奴書上武帝

主父偃

諫擊匈奴書上宣帝

魏相

罷邊備議上元帝

補 侯應

右編

二十六卷目錄

受伊邪莫演降議上成帝

補 谷永

論通康居上成帝

補 郭舜

諫不受單于朝書上哀帝

補 楊雄

諫伐匈奴上新莽

補 嚴尤

乞優答北單于疏上光武

班彪

論北單于不當封王上和帝

袁安

陳三策書上安帝

補 張璠

諫伐鮮卑議上靈帝

蔡邕

安邊論上宋文帝

何承天

論處降胡上唐玄宗

王峻

契丹論契丹 上宋太宗

議澶淵事宜 上真宗

答詔論邊事 上真宗

論備禦西北二虜七事 上仁宗

論契丹不寇河東 上仁宗

論西鄙議和先防北虜 上仁宗

乞戒邊城澗畧細故 上真宗

諫西師防北虜 上神宗

答詔問北邊事宜 上神宗

答詔問北邊事宜 上神宗

右編 二十六卷目錄

乞撫存北虜 上徽宗

陷北記

行程錄

行程錄

宋琪

寇準

錢若水

韓琦

富弼

歐陽脩

司馬光

富弼

韓琦

富弼

趙遘

胡嵩

王曾

富弼

荆川先生右編卷二十六

都察院僉都御史毘陵唐順之編纂

南京國子監祭酒豫章劉曰宣補遺

司業吳興朱國禎校定

夷三

言兵事

漢文帝時匈奴數侵邊上發兵禦之錯上書

臣聞漢興以來胡虜數入邊地小入則小利大入則

大利高后時再入隴西攻城屠邑毆畧畜產其後復

入隴西殺吏卒大寇盜竊聞戰勝之威民氣百倍敗

右編 卷之二十六

兵之卒沒世不復自高后以來隴西三困於匈奴矣

民氣破傷亡有勝意今茲隴西之吏賴社稷之神靈

奉陛下之明詔和輯士卒底厲其節起破傷之民以

當乘勝之匈奴用少擊衆殺一王敗其衆而大有利

非隴西之民有勇怯乃將吏之制巧拙異也故兵法

曰有必勝之將亡必勝之民由此觀之安邊境立功

名在於良將不可不擇也臣又聞用兵臨戰合刃之

急者三一曰得地形二曰卒服習三曰器用利兵法

曰丈五之溝漸車之水山林積石經川丘阜草木所

在此步兵之地也車騎二不當一土山丘陵曼衍相

屬平原廣野此車騎之地也步兵十不當一平陵相遠川谷居間仰高臨下此弓弩之地也短兵百不當一兩陳相近平地淺草可前可後此長戟之地也劍楯三不當一萑葦竹簫草木蒙龍枝葉茂接此矛鉞之地也長戟二不當一曲道相伏險阨相薄此劍楯之地也弓弩三不當一士不選練卒不暇習起居不精動靜不集趨利弗及避難不畢前擊後擊與金鼓之音相失此不習勤卒之過也百不當一兵不完利與空手同甲不堅密與袒裼同弩不可以及遠與短兵同射不能中與亡矢同中不能入與亡鏃同此將

右編

卷之二十六

不省兵之禍也五不當一故兵法曰器械不利以其率予敵也卒不可用以其將予敵也將不知兵以其主予敵也君不擇將以其國予敵也四者兵之至要也臣又聞小大異形強弱異執險易異備夫卑身以事強小國之形也合小以攻大敵國之形也以蠻夷攻蠻夷中國之形也今匈奴地形技藝與中國異上下山阪出入溪澗中國之馬弗與也險道傾仄且馳且射中國之騎弗與也風雨罷勞饑渴不困中國之人弗與也此匈奴之長技也若夫平原易地輕車突騎則匈奴之衆易撓亂也勁弩長戟射疏及遠則匈

奴之弓弗能格也堅甲利刃長短相襍遊弩往來什伍俱前則匈奴之兵弗能當也材官騶發矢道同的則匈奴之革箭木箭弗能支也下馬地闊劍戟相接去就相薄則匈奴之足弗能給也此中國之長技也以此觀之匈奴之長技三中國之長技五陛下又興數十萬之衆以誅數萬之匈奴累年之計以一擊十之術也雖然兵凶器戰危事也以人爲小以強爲弱在俛仰之間耳夫以人之死爭勝敗而不振則悔之無及也帝王之道出於萬全今降詔募蠻夷之屬來歸誼者其衆數千飲食長技與匈奴同可賜之堅

右編

卷之二十六

甲絮衣勁弓利矢益以邊郡之良騎令明將能知其習俗和輯其心者以陛下之明約將之即有險阻以此當之平地通道則以輕車材官制之兩軍相爲表裏各用其長技衡加之以衆此萬全之術也傳曰狂夫之言而明主擇焉臣錯愚陋昧死上狂言唯陛下裁擇

疏奏上嘉之賜書龍谷

論守邊備塞事

漢文帝時上

鼂錯

臣聞秦時北攻胡貉築塞河上南攻楊粵置戍卒焉其起兵而攻胡粵者非以衛邊地而救民死也貪戾

而欲廣大也。故功未立而天下亂。且夫起兵而不知其勢。戰則爲人禽。屯則卒積死。夫胡貉之地。積陰之處也。木皮三寸。冰厚六尺。食肉而飲酪。其人密理。鳥獸毳毛。其性能寒。楊粵之地。少陰多陽。其人疏理。鳥獸希毛。其性能暑。秦之戍卒。不能其水土。戍者死於邊。輸者償於道。秦民見行。如往棄市。因以謫發之名。曰謫戍。先發吏有謫。及贅壻賈人。後以嘗有市籍者。又後以大父母父母嘗有市籍者。後入閭。取其左發之不順行者。深怨有背畔之心。凡民守戰至死而不降北者。以計爲之也。故戰勝守固。則有拜爵之賞。攻

右編

卷之二十六

四

四月十三

李太

城屠邑。則得其財。鹵以富家室。故能使其衆蒙矢石。赴湯火。視死如生。今秦之發卒也。有萬死之害。而亡銖兩之報。死事之後。不得一筭之復。天下明知禍烈及已也。陳勝行戍。至於大澤。爲天下先倡。天下從之如流水者。秦以威劫而行之之敝也。胡人衣食之業。不著於地。其勢易以擾亂。邊竟何以明之。胡人食肉飲酪。衣皮毛。非有城郭田宅之歸居。如飛鳥走獸。於廣墜美草。甘水。則止。草盡水竭。則移。以是觀之。往來轉徙。時至時去。此胡人之生業。而中國之所以離南晦也。今使胡人數處。轉牧行獵於塞下。或當燕代。或

當上郡北地隴西。以候備塞之卒。卒少則入。陛下不救。則邊民絕望。而有降敵之心。救之少發。則不足。多發。遠縣纔至。則胡又已去。聚而不罷。爲費甚大。罷之則胡復入。如此連年。則中國貧苦。而民不安矣。陛下幸憂邊境。遣將吏發卒。以治塞。甚大惠也。然令遠方之卒守塞。一歲而更。不知胡人之能。不如選常居者。家室田作。且以備之。以便爲之高城深塹。其藺石布渠。荅復爲一城。其內城間百五十步。要害之處。通川之道。調立城邑。毋下千家。爲中周虎落。先爲室屋。具田器。廼募羣人及免徒。復作令居之。不足募。以丁奴

右編

卷之二十六

五

四月十七

陳

婢贖。臯及輸奴。婢欲以拜爵者。不足。廼募民之欲往者。皆賜高爵。復其家。予冬夏衣。廩食。能自給而止。郡縣之民。得買其爵。以自增至卿。其亡夫若妻者。縣官買予之。人情非有匹敵。不能久安。其處塞下之民。祿利不厚。不可使入居危難之地。胡人入驅而能止其。所驅者。以其半予之。縣官爲贖其民。如是。則邑里相救助。赴胡不避死。非以德上也。欲全親戚而利其財也。此與東方之戍卒。不習地勢。而心畏胡者。功相萬也。以陛下之時。徙民實邊。使遠方亡屯戍之事。塞下之民。父子相保。亡係虜之患。利施後世。名稱聖明。其

與秦之行怨民相去遠矣

論募民徙塞下

鼂錯

漢文帝時

陛下幸募民相徙以實塞下使屯戍之事益省輸將之費益寡甚大惠也下吏誠能稱厚惠奉明法存卹所徙之老弱善遇其壯士和輯其心而勿侵刻使先至者安樂而不思故鄉則貧民相募而勸往矣臣聞古之徙遠方以實廣虛也相其陰陽之和嘗其水泉之味審其土地之宜觀其草木之饒然後營邑立城制里割宅通田作之道正阡陌之界先爲築室家有

右編

八卷之二十六

三八 三百十五 陳黃

一堂二內門戶之閉置器物焉民至有所居作有所用此民所以輕去故鄉而勸之新邑也爲置醫巫以救疾病以脩祭祀男女有昏生死相卹墳墓相從種樹畜長室屋完安此所以使民樂其處而有長居之心也臣又聞古之制邊縣以備敵也使五家爲伍伍有長十長一里里有假士四里一連連有假五百十連一邑邑有假候皆擇其邑之賢材有護習地形知民心者居則胥民於射法出則教民於應敵故卒伍成於內則軍政定於外服習以成勿令遷徙幼則同游長則共事夜戰聲相知則足以相救晝戰目相見

則足以相識謹愛之心足以相死如此而勸以厚賞威以重罰則前死不還踵矣所徙之民非壯有材力但費衣糧不可用也雖有材力不得良吏猶亡功也陛下絕匈奴不與和親臣竊意其冬來南也壹大治則終身創矣欲立威者始於折膠來而不能困使得氣去後未易服也愚臣亡識唯陛下財察

擊匈奴議

帝建元六年

韓安國等

大行王恢燕人數爲邊吏習胡事議曰漢與匈奴和親率不過數歲即復背約不如勿許舉兵擊之安國

右編

八卷之二十六

七 三百十三 恭祖

曰千里而戰兵不獲利今匈奴負戎馬足懷鳥獸心遷徙烏集難得而制得其地不足爲廣有其衆不足爲彊自上古弗屬漢數千里爭利則人馬罷虜以全制其敵執必危殆臣故以爲不如和親群臣議多附安國於是上許和親明年雁門馬邑豪犇一因大行王恢言匈奴初和親親信邊可誘以利致之伏兵襲擊必破之道也上迺召問公卿曰朕飭子女以配單于弊帛文錦賂之甚厚單于待命加嫚侵盜無已邊竟數驚朕甚閔之今欲舉兵攻之何如大行恢對曰陛下雖未言臣固願效之臣聞全代之時北有彊胡

之敵內連中國之丘然尚得養老長幼種樹以時倉廩常實匈奴不輕侵也今以陛下之威海內爲一天下同任又遣子弟乘邊守塞轉粟輓輸以爲之備然匈奴侵盜不已者無他以不恐之故耳臣竊以爲擊之便御史大夫安國曰不然臣聞高皇帝嘗圍於平城匈奴至者投穀高如城者數所平城之饑七日不食天下歌之及解圍反位而無忿怒之心夫聖人以天下爲度者也不以已私怒傷天下之功故迺遣劉敬奉金千斤以結和親至今爲五世利孝文皇帝又嘗一擁天下之精兵聚之廣武常谿然終無尺寸之

右編

八卷之二十六

九十四百七

九

功而天下黔首無不憂者孝文寤於兵之不可宿故復合和親之約此二聖之跡足以爲效矣臣竊以爲勿擊便恢曰不然臣聞五帝不相襲禮三王不相復樂非故相反也各因時宜也且高帝身被堅執銳蒙霧露沐霜雪行幾十年所以不報平城之怨者非力不能所以休天下之心也今邊境數驚士卒傷死中國樞車相望此仁人之所隱也臣故曰擊之便安國曰不然臣聞利不十者不易業功不百者不變常是以古之人君謀事必就祖發政占古語重作事也且自三代之盛夷狄不與正朔服色非威不能制彊弗

能服也以爲遠方絕地不牧之民不足煩中國也且匈奴輕疾悍亟之兵也至如焱風去如收電畜牧爲業弧弓射獵逐獸隨草居處無常難得而制今使邊郡久廢耕織以支胡之常事其勢不相權也臣故曰勿擊便恢曰不然臣聞鳳鳥乘於風聖人因於時昔秦穆公都雍地方三百里知時宜之變攻取西戎辟地千里并國十四隴西北地是也及後蒙恬爲秦侵胡辟數千里以河爲竟累石爲城樹榆爲塞匈奴不敢飲馬於河置邊戍然後取牧馬夫匈奴獨可以威服不可以仁畜也今以中國之盛萬倍之資遣百分

右編

八卷之二十六

九十四百七

九

之一以攻匈奴譬猶以疆弩射且潰之癰也必不留行矣若是則北發月邑可得而臣也臣故曰擊之便安國曰不然臣聞用兵者以飽待饑正治以待其亂定舍以待其勞故接兵覆衆伐國墮城常坐而役敵國此聖人之兵也且臣聞之衡風之哀不能起毛羽疆弩之末力不能入魯縞夫盛之有衰猶朝之必暮也今將卷甲輕舉深入長驅難以爲功從行則迫脅衡行則中絕疾則糧乏徐則後利不至千里人馬乏食兵法曰遺人獲也意者有他繆巧可以禽之則臣不知也不然則示見深入之利也臣故曰勿擊便恢

曰不然夫草木遭霜霜可以風過清水明鏡不可以形逃通方之士不可以文亂今臣言擊之者固非發而深入也將順因單于之欲誘而致之邊吾選梟騎壯士陰伏而處以爲之備審遮險阻以爲其戒吾執已定或營其左或營其右或當其前或絕其後單于可禽百全必取上曰善迺從恢議

論伐匈奴書

武帝元光元年主父偃上

主父偃

臣聞明主不惡切諫以博觀忠臣不避重誅以直諫是故事無遺策而功流萬世今臣不敢隱忠避死以

右編

八卷之二十六

十

三百五十八

效愚計願陛下幸赦而少察之司馬法曰國雖大好戰必亡天下雖平忘戰必危天下既平天子大愷春蒐秋獮諸侯春振旅秋治兵所以不忘戰也且怒者逆德也兵者凶器也爭者末節也古之人君一怒必伏尸流血故聖王重行之夫務戰勝窮武事未有不悔者也昔秦皇帝任戰勝之威蠶食天下并吞戰國海內爲一功齊三代務勝不休欲攻匈奴李斯諫曰不可夫匈奴無城郭之居委積之守遷徙鳥舉難得而制輕兵深入糧食必絕運糧以行重不及事得其地不足以爲利得其民不可調而守也勝必棄之非

我於口
民數口

右編

八卷之二十六

十一

四百七

民父母靡敵中國甘心匈奴非完計也秦皇帝不遂使蒙恬將兵而攻胡卻地千里以河爲境地固澤鹵不生五穀然後發天下丁男以守北河暴兵露師十有餘年死者不可勝數終不能踰河而北是豈人衆之不足兵革之不備哉其勢不可也又使天下飛芻輓粟起於黃腫琅邪負海之郡轉輸北河率三十鍾而致一石男子疾耕不足於糧餉女子紡績不足於帷幕百姓靡敵孤寡老弱不能相養道死者相望蓋天下始叛也及至高皇帝定天下略地於邊聞匈奴聚代谷之外而欲擊之御史成諫曰不可夫匈奴獸聚而鳥散從之如搏景今以陛下盛德攻匈奴臣竊危之高帝不聽遂至代谷果有平城之圍高帝悔之乃使劉敬往結和親然後天下亡干戈之事故兵法曰興兵十萬日費千金秦常積衆數十萬人雖有覆軍殺將係虜單于適足以結怨深讐不足以償天下之費夫匈奴行盜侵轍所以爲業天性固然上自虞夏殷周固不程督禽獸畜之不比爲人夫不上觀虞夏殷周之統而下循近世之失此臣之所以大恐百姓所以疾苦也且夫兵久則變生事苦則慮易使邊境之民靡心愁苦將吏相疑而外市故尉佗章邯

得成其私而秦政不行權分二子此得失之效也故周書曰安危在出令存亡在所願陛下熟計之而加察焉

書奏上廼拜偃為郎中

諫擊匈奴書

魏相

宣帝元康中匈奴遣兵擊漢屯田車師者不能下上與後將軍趙充國等議欲以匈奴衰弱出兵擊其右地使不敢復擾西域相上書

臣聞之枚亂誅暴謂之義兵兵義者王敵加於已不得已而起者謂之應兵兵應者勝爭恨小故不忍憤怒者謂之忿兵兵忿者敗利人土地貨寶者謂之貪兵兵貪者破時國家之大矜民人之衆欲見威於敵

右編

卷之二十六

十二百九十七

者謂之驕兵兵驕者滅此五者非但人事乃天道也間者匈奴嘗有善意所得漢民輒奉歸之未有犯於邊境雖爭屯田車師不足致意中今聞諸將軍欲興兵入其地臣愚不知此兵何名者也今邊郡困乏父子共犬羊之裘食草朶之實常恐不能自存難以動兵軍旅之後必有凶年言民以其愁苦之氣傷陰陽之和也出兵雖勝猶有後憂恐災害之變因此以生人郡國守相多不實選風俗尤薄水旱不時案今年計子弟殺父兄妻殺夫凡二百二十二人臣愚以謂此非小變也今左右不憂此乃欲發兵報纖介之忿

於遠夷殆孔子所謂吾恐季孫之憂不在顯與而在蕭牆之內也願陛下與平昌侯樂昌侯平恩侯及有識者詳議乃可上從相言而止

罷邊備議

侯應

漢元帝竟寧元年單于上書願罷塞上谷以西至敦煌傳之無窮諸罷邊備人于令下有司議議皆以為便郎中侯應習邊事以為不可許上言

周秦以來匈奴暴桀寇侵邊境漢興屯戍其害臣聞北邊塞至遼東外有陰山東西千餘里草木茂盛多禽獸本冒頓單于依阻其中治作弓矢來出為寇是其死固也至孝武世出師征伐斥奪此地攘之於幕

右編

卷之二十六

十三百

北建塞徼起亭隧築外城設屯戍以守之然後邊境得用少安幕北地平少草木多大沙匈奴來寇少所蔽隱從塞以南徑深山谷往來難邊長老言匈奴失陰山之後過之未嘗不哭也如罷備塞戍卒示夷狄之大利不可一也今聖德廣被天覆匈奴匈奴得蒙全活之恩稽首來臣夫夷狄之情困則卑順疆則驕逆天性然也前以罷外城省亭隧今裁足以候望通烽火而已古者安不忘危不可復罷也中國有禮義之教刑罰之誅愚民猶尚犯禁又况單于能必其終不犯約哉三也自中國尚建關梁以制諸侯所

以絕臣下之覬覦也。設塞徽置屯戍，非獨爲匈奴而已。亦爲諸屬國降民本故匈奴之人，恐其思舊逃亡也。近西羌保塞與漢人交通，吏民貪利侵盜其畜產，妻子以此怨恨起而背畔。世世不絕，今罷棄塞則生嫚易分爭之漸五也。往者從軍多沒不還者，子孫貧困一旦亡出，從其親戚六也。又邊人奴婢愁苦欲亡者，多日間匈奴中樂無奈，候望急何，然時有亡出塞者七也。盜賊桀黠羣輩犯法，如有窘迫亡走北出，則不可制入也。起塞以來百有餘年，非皆以土垣也，或因山巖石木柴，偃落谿谷水門稍稍平之，卒徒築

右編

八卷之二十六

十四頁全四

伊

治功費久遠不可勝計。臣恐議者不深慮其終始，欲以一切省絀，戍十年之外，百歲之內，卒有他變，障塞破壞，亭隧滅絕，當更發屯繒治累世之功，不可卒復九也。如罷戍，卒省候望，單于自以保塞守禦必深德，漢請求無已，小失其意，則不可測。開夷狄之隙，虧中國之固，十也。非所以永持至安威制百蠻之長策也。

受伊邪莫演降書

谷永

漢成帝河平元年上

漢興匈奴數爲邊害，故設金爵之賞以待降者。今單于誦體稱臣，列爲北藩，遣使朝賀，無有二心。漢家接

之宜異於往時。今既享單于聘貢之質，而更受其遁逃之臣，是貪一夫之得而失一國之心。擁罪之臣而絕慕義之君也。假令單于初立，欲委身中國，未知利害，私使伊邪莫演詐降，以卜吉凶。受之虧德沮善，令單于自疏不親，邊吏或者設爲反間，欲因而生隙。受之適合其策，使得歸曲而直責此誠，邊竟安危之原，師旅動靜之首，不可不詳也。不如勿受，以昭日月之信，抑詐諛之謀，懷附親之心，便。

論通康居

郭舜

漢成帝時上

右編

八卷之二十六

十五頁全四

本匈奴盛時，非以兼有烏孫、康居故也。及其稱臣，妄非以失二國也。漢雖皆受其質子，然三國內相輪遺交通，如故亦相候，何見便則發合，不能相親信，離不能相睦，役以今言之，結配烏孫，竟未有益，反爲中國生事。然烏孫既結在前，今與匈奴俱稱臣，義不可距而康居驕黠，訖不肯拜使者，都護更至其國坐之，烏孫諸使下王及貴人先飲食已，乃飲啗都護，更故爲無所省，以參旁國。以此度之，何故遣子入侍，其欲賈市爲好辭之詐也。匈奴百蠻大國，今事漢甚備，聞康居不拜，且使單于有自下之意，宜歸其侍子，絕勿復。

使以章漢家不通無禮之國敦煌酒泉二郡及南道入國給使者往來人馬驢橐駝食皆苦之空罷耗所過送迎驕黠絕遠之國非至計已

諫不受單于朝書

楊雄

漢哀帝建平四年上

臣聞六經之治貴於未亂兵家之勝貴於未戰二者皆微然而大事之本不可不察也今單于上書來朝國家不許而辭之臣愚以爲漢與匈奴從此隙矣匈奴本北地之狄五帝所不能臣三王所不能制其不可使隙甚明臣不敢遠稱請引秦以來明之以秦始

右編

八卷之二十六

十六 三十七 陳鼎

皇之疆蒙恬之威帶甲四十餘萬然不敢窺西河迺築長城以界之會漢初興以高祖之威靈三十萬衆困於平城士或七日不食時竒譎之士石畫之臣甚衆卒其所以脫者世莫得而言也又高皇后嘗忿匈奴羣臣庭議樊噲請以十萬衆橫行匈奴中季布曰噲可斬也妄阿順指於是大臣權書遺之然後匈奴之結解中國之憂平反孝文時匈奴侵塞北邊侯騎至雍甘泉京師大駭發三將軍屯細柳棘門霸上以備之數月迺罷孝武即位設馬邑之權欲誘匈奴使韓安國將三十萬衆徼於便墜匈奴覺之而去徒費

財勞師一虜不可得見况單于之面乎其後深惟社稷之計規恢萬載之策迺大興師數十萬使霍去病操兵前後十餘年於是浮西河絕大幕破寘顏襲王庭窮極其地追奔逐北封狼居胥山禪於姑衍以臨瀚海虜名王貴人以百數自是之後匈奴震怖益求和親然而未肯稱臣也且夫前世豈樂傾無量之費役無罪之人快心於狼望之北哉以爲不一勞者不久佚不暫費者不永靈是以忍百萬之師以摧餓虎之喙運府庫之財填廬山之壑而不悔也至本始之初匈奴有桀心欲掠烏孫侵公主迺發五將之

右編

八卷之二十六

十七 四十七 張洪

師十五萬騎獵其南而長羅侯以烏孫五萬騎震其西皆至質而還時鮮有所獲徒奮揚威武明漢兵若風雷耳雖空行空反尚誅兩將軍故北狄不服中國未得高枕安寢也逮至元康神爵之間大化神明鴻恩博洽而匈奴內亂五單于爭立日逐呼韓邪攜國歸死扶伏稱臣然尚羈縻之計不斷制自此之後欲朝者不距不欲者不疆何者外國天性忿鷙形容魁健負方怙氣難化以善易隸以惡其難難謂其和難得故未服之時勞師遠攻傾國殫貨伏尸流血破堅拔敵如彼之難也既服之後慰薦撫循交接賂遺威

儀俯仰如此之備也往時嘗屠大宛之城蹈烏桓之壘探姑繒之壁藉蕩姐之場又朝鮮之悔拔兩越之旗近不過旬月之役遠不離二時之勞固已殫其庭掃其閭郡縣而置之雲徹席卷後無餘儲惟北狄爲不然真中國之堅敵也三垂比之懸矣前世重之茲甚未易可輕也今單于歸義懷款誠之心欲離其庭陳見于前此廼上世之遺策神靈之所想望國家雖費不得已者也奈何距以來厭之辭䟽以無日之期消往昔之恩開將來之隙夫款而隙之使有恨心負前言緣往辭歸怨於漢因以自絕終無北面之心威

右編

卷之二十六

十八 三十九 張洪

之不可論之不能焉得不爲太憂乎夫明者視於無形聰者聽於無聲誠先於未然即蒙恬樊噲不復施棘門細柳不復備馬邑之策安所設衛霍之功何得用五將之威安所震不然一有隙之後雖智者勞心於內辭者敲擊於外猶不若未然之時也且往者圖西域制車師置城都護三十六國費歲以大萬計者豈爲康居烏孫能踰白堆而寇西邊哉廼以制匈奴也夫百年勞之一日失之費十而愛一臣竊爲國不安也惟陛下少留意於未亂未戰以遏邊萌之禍

諫伐匈奴

嚴 尤

臣聞匈奴爲害所從來久矣未聞上世有必征之者也後世三家周秦漢征之然皆未有得上策者也周得中策漢得下策秦無策焉當周宣王時獫狁內侵至于涇陽命將征之盡境而還其視戎狄之侵譬如蠶蟲之螫歐之而已故天下稱明是爲中策漢武帝選將練兵約齊輕糧深入遠戍雖有克獲之功胡輒報之兵連禍結三十餘年中國罷耗匈奴亦創艾而天下稱武是爲下策秦始皇不忍小耻而輕民力築長城之固延袤萬里轉輸之行起於負海疆境既完中國內竭以喪社稷是爲無策今天下遭陽九之厄

右編

卷之二十六

十九 四十五

卷三

比年饑饉西北邊尤甚發三十萬衆具三百日糧東援海岱南取江淮然後乃備計其道里一年尚未集合兵先至者聚后暴露師老械弊勢不可用此一難也邊旣空虛不能奉軍糧內調郡國不相及屬此二難也計一人三百日食用糒十八斛非牛力不能勝牛又當自齎食加二十斛重矣胡地沙鹵多乏水草以往事揆之軍出未滿百日牛必物故且盡餘糧尚多人不能負此三難也胡地秋冬甚寒春夏甚風多齋餽餽薪炭重不可勝食糒飲水以歷四時師有疾疫之憂是故前世伐胡不過百日非不欲久勢力不

能此四難也輜重自隨則輕銳者少不得疾行虜徐遁逃勢不能及幸而逢虜又累輜重如遇險阻銜尾相隨虜要遮前後危殆不測此五難也大用民力功不可必立臣伏憂之今既發兵宜縱先至者令臣尤等深入霆擊且以創艾胡虜莽不聽尤言轉兵穀如故天下騷動

乞優答北單于疏

班彪

漢光武建武二十八年匈奴遣使詣闕貢裘馬乞和親并未許樂帝下三府議酬答之宜司徒掾班彪奏

臣聞孝宣皇帝勅邊守尉曰匈奴大國多變詐交接

右編

八卷之二十六

二十一

得其情則却敵折衝應對入其數則反為輕欺今北匈奴見南單于來附俱謀其國故數乞和親又遠驅牛馬與漢合市重遣名王多所貢獻斯皆外示富彊以相欺誑也臣見其獻益重知其國益虛歸親愈數為懼愈多然今既未獲助南則亦不宜絕北羈縻之義禮無不答謂可頗加賞賜畧與所獻相當明加曉告以前世呼韓邪郅支行事報答之辭令必有適今立藁草并上曰單于不忘漢恩追念先祖舊約欲脩和親以輔身安國計議甚高為單于嘉之往者匈奴數有乖亂呼韓邪郅支自相讎隙並蒙孝宣皇帝垂

右編

八卷之二十六

二十一

恩救護故各遣侍子稱藩保塞其後郅支忿戾自絕皇澤而呼韓附親忠孝彌著及漢滅郅支遂保國傳嗣子孫相繼今南單于攜眾向南款塞歸命自以呼韓嫡長次第當立而侵奪失職猜疑相背數請兵將歸掃北庭策謀紛紜無所不至惟念斯言不可獨聽又以北單于比年貢獻欲脩和親故拒而未許將以成單于忠孝之義漢秉威信總率萬國日月所照皆為臣妾殊俗百蠻義無親疎服順者褒賞畔逆者誅罰善惡之効呼韓郅支是也今單于欲脩和親款誠已達何嫌而欲率西域諸國俱來獻見西域國屬匈奴與屬漢河異單于數連兵亂國內虛耗貢物裁以通禮何必獻馬裘令齊雜繒五百匹弓鞬犢乳一矢發遣遺單于又賜獻馬左骨都候右谷蠡王維續各四百匹斬馬劍各一單于前言先帝時所賜呼韓邪竿瑟箜篌皆敗願復裁賜念單于國尚未安方厲武節以戰攻為務竿瑟之用不如良弓利劍故未以齎朕不愛小物於單于便宜所欲遣驛以聞

論北單于不當封王

袁安

漢和帝永元四年上

臣聞功有難圖不可豫見事有易斷較然不疑伏惟

光武皇帝本所以立南單于者欲安南定北之策也恩德甚備故匈奴遂分邊境無患孝明皇帝奉承先意不敢失隆赫然命將爰伐塞北至于章和之初降者十餘萬人議者欲置之瀛塞東至遼東太尉宋由光祿勳耿秉皆以爲失南單于心不可先帝從之陛下奉承洪業大開疆宇大將軍遠師討代帛卷北庭此誠宣明祖宗崇立弘勲者也宜審其終以成厥初伏念南單于屯先父舉衆歸德自蒙恩以來四十餘年三帝積累以遺陛下陛下深宜遵述先志成就其業况屯首唱大謀空盡北虜輟而弗圖更立新降以

右編

卷之二十六

楊雄

一朝之計遠三世之規失信於所養建立於無功由秉實知奮議而欲背衆先恩大言行君子之樞機賞罰理國之綱紀論語曰言忠信行篤敬雖蠻貊行焉今若失信於一屯則百蠻不敢復保其矣又烏桓鮮卑新殺北單于凡人之情咸畏仇讐今立其弟則二虜懷怨兵食可廢信不可去且漢故事俱給南單于費百歲一億九十餘萬西域歲七千四百八十萬今北庭彌遠其費過倍是乃空盡天下而非建策之要也

陳三策書

張璠

漢安帝延光二年北虜連與車師入寇河西朝廷不罷禁議者因欲開玉門陽關以通其患故煌大守張璠上書陳三策

北虜呼衍王常展轉蒲類秦海之間專制西域共爲寇鈔今以酒泉屬國吏士二千餘人集崑崙塞先擊呼衍王絕其根本因發鄯善兵五千人脅車師後部此上計也若不能出兵可置軍司馬將士五百人四郡供其犂牛穀食出據柳中此中計也如又不能則宜棄交河城收鄯善等悉使入塞北下計也

諫伐鮮卑議

蔡邕

右編

卷之二十六

三十三

楊雄

漢靈帝熹平六年議伐鮮卑出安帝故事校原欲立功自効帝因中常侍王甫言丹安破鮮卑中郎將大臣多有不同召百官議朝堂議

書戒猾夏湯伐兇方周有獫狁蠻荆之師漢有閼頽瀚海之事征討殊類所由尚矣然而時有同異勢有可否故謀有得失事有成敗不可齊也武帝情存遠略志圖四方南誅百越北討強胡西伐大宛東并朝鮮因文景之蓄藉天下之僥數十年間官民俱匱至乃興鹽鐵酒榷之利設告緡重稅之令民不堪命起爲盜賊關東紛擾道路不通繡衣直指之使奮鉞鉞而並出旣而覺悟乃息兵罷役丞相爲富民侯故主父偃曰夫務戰勝窮武事未有不悔者也夫以世宗